

RITUS ORDINATIONIS EPISCOPI PLURIBUS SIMUL CONFERENDÆ

65. Quæ supra in Prænotandis, nn. 15-27 exponuntur valent etiam de Ritu Ordinationis Episcopi pluribus simul conferendæ.

Hic speciatim indicatur:

- a) singulis electis assistant duo presbyteri;
- b) valde convenit, ut omnes Episcopi ordinantes necnon presbyteri electis assistentes cum Episcopo ordinante principali et cum electis Missam concelebrent. Si Ordinatio fit in Ecclesia propria alicuius electi, etiam aliqui ex eius presbyterio concelebrent;
- c) si Ordinatio fit intra fines propriæ diœcesis alicuius electi, Episcopus ordinans principalis Episcopum modo ordinatum invitare potest ut præsideat concelebrationi in liturgia eucharistica. Secus Episcopus ordinans principalis præsidet concelebrationi; Episcopi vero modo ordinati primum locum tenent inter ceteros concelebrentes;
- d) præter ea quæ ad Missæ stationalis celebrationem necessaria sunt, parentur:
 - Liber De Ordinatione;
 - libelli Precis Ordinationis pro Episcopis ordinantibus;
 - Evangelia singulis electis imponenda;
 - gremiale linteum;
 - sanctum chrisma;
 - ea quæ ad manuum lotionem necessaria sunt;
 - anulus, baculus pastoralis et mitra pro singulis electis et, si casus fert, pallium. Hæc insignia, pallio excepto, benedictione prævia non indigent, cum in ipso ritu Ordinationis tradantur.
- e) sedes parentur modo supra n. 29 indicato.

66. Episcopus ordinans principalis necnon Episcopi et presbyteri concelebrentes sacras vestes induunt quæ sibi respective ad Missæ celebrationem requiruntur.

Episcopus ordinans principalis convenienter sub casula induit dalmaticam.

Electi induunt omnia paramenta sacerdotalia necnon crucem pectoralem et dalmaticam.

Episcopi autem ordinantes qui forte non concelebrent, sumunt albam, crucem pectoralem, stolam et, pro opportunitate, pluviale et mitram. Presbyteri electis assistentes, si forte non concelebrent, induunt pluviale super albam.

Vestes sint coloris Missæ quæ celebratur, secus coloris albi, vel vestes festivæ seu nobiliores adhibeantur.

Ritus initiales et Liturgia verbi

67. Omnibus rite dispositis, ordinatur processio per ecclesiam ad altare modo consueto. Diaconum librum Evangeliorum, qui in Missa et Ordinatione adhibetur, deferentem et alios diaconos, si adsint, sequuntur presbyteri concelebrentes, deinde singuli electi medii inter presbyteros sibi assistentes, postea Episcopi ordinantes ac denique Episcopus ordinans principalis et paulisper retro cum duo diaconi ei assistentes. Cum ad altare pervenerint, facta debita reverentia, omnes accedunt ad loca sibi assignata. Curandum est tamen ut distinctio inter Episcopos et presbyteros manifeste appareat etiam dispositione locorum.

Interim canitur antiphona ad introitum cum suo psalmo vel alius cantus aptus.

68. Ritus initiales et liturgia verbi peraguntur more consueto usque ad Evangelium inclusive.

69. Si quis Episcopus in sua ecclesia cathedrali ordinatur, post salutationem populi unus e diaconis vel ex presbyteris concelebrantibus Litteras apostolicas Collegio consultorum, præsentem cancellario Curiae qui rem in acta referat, ostendit ac deinde ad ambonem legit, quas omnes sedentes auscultant et in fine acclamant, dicentes: **Deo grâti**as vel aliam acclamationem aptam.

In diœcesibus vero noviter erectis, clero ac populo in ecclesia cathedrali præsentibus earundem Litterarum communicatio fit, presbytero inter præsentem seniore acta referente.

70. Post lectionem Evangelii, diaconus librum Evangeliorum iterum super altare reverenter deponit, ubi remanet usquedum super caput unius Ordinati positum fuerit.

imunt
ale et
ot, in-

oi, vel

m ad
Missa
dsint,
inter
nique
aconi
mnes
nctio
tione

alius

sque

post
ran-
lario
legit,
Deo

lesia
sby-

rum
aput

Ordinatio

71. Deinde incipit Ordinatio Episcoporum. Omnibus stantibus, canonicus potest hymnus **Veni, creator Spiritus**, vel alius hymnus huic respondens, iuxta locorum consuetudines.

72. Deinde Episcopus ordinans principalis alique Episcopi ordinantes accedunt, si opus est, ad sedes pro Ordinatione paratas.

Præsentatio electorum

73. Singuli electi a presbyteris ipsi assistentibus adducuntur ante Episcopum ordinantem principalem, cui reverentiam faciunt.

74. Unus e presbyteris assistentibus alloquitur Episcopum ordinantem principalem his verbis:

Reverendissime Pater, postulat Ecclesia N., ut presbyterum N. ad onus Episcopatus ordines.

Si vero agitur de Episcopo ordinando non residentiali:

Reverendissime Pater, postulat sancta Mater Ecclesia catholica, ut presbyterum N. ad onus Episcopatus ordines.

Sic fit pro unoquoque electorum. In fine Episcopus ordinans principalis interrogat, dicens:

Habetis mandatum Apostolicum?

Unus e presbyteris respondet:

Habemus.

Episcopus ordinans principalis:

Legatur.

Tunc legitur mandatum, omnibus sedentibus. Quo perlecto, omnes dicunt:

Deo grátias,

vel alio modo, iuxta Prænotanda generalia n. 11 statuto, electioni assentiunt.

Homilia

75. Deinde Episcopus ordinans principalis, omnibus sedentibus, homiliam habet, in qua, initium sumens e textu lectionum quæ in liturgia verbi lectæ sunt, clerum ac populum necnon electos de munere Episcopi alloquitur. De tali munere autem loqui potest his vel similibus verbis, aptando tamen textum, si ordinantur Episcopi non residentiales:

Dilectissimi, sèdulo attèndite, ad qualem in Ecclesia gradum fratres nostri sint provehèndi. Dóminus noster Iesus Christus, a Patre missus, ut genus humánum redímeret, ipse in mundum duódecim misit Apóstolos qui, Spíritus Sancti virtúte replèti, Evangélium prædicárent et omnes gentes in unum ovíle congregántes, sanctificárent et gubernárent. Ut autem hoc munus usque ad finem sæculi permaneret, Apóstoli sibi adiutóres elegérunt, quibus donum Spíritus Sancti a Christo accéptum per impositionem mánuum tradidérunt, qua Ordinis sacraménti plenitúdo confértur. Sic a generatióne in generatióne principális tradítio per successiónem Episcopórum contínuam serváta est et opus Salvatóris ad nostra usque témpora perseverat et crescit.

In Episcopo a presbýteris suis circúmdato adest in médio vestri ipse Dóminus noster Iesus Christus, Póntifex factus in ætérnum. Ipse enim in ministèrio Episcopi Evangélium prædicáre et credéntibus mystéria fídei ministráre non désinit. Ipse patérno Episcopi múnere nova membra córpori suo addit et ággregat. Ipse Episcopi sapiéntia et prudéntia vos in peregrinatióne terréna ad beatitúdinem perdúcit ætérnam.

Grato ígitur lætóque ánimo fratres nostros excípíte, quos nos, Epíscopi, per impositionem mánuum in collégium nostrum cooptámus. Illos honoráte ut ministros Christi et dispensatóres mysteriórum Dei, quibus testificatio Evangélii veritátis concréditur atque ministratio Spíritus et iustítiæ. Mementóte verbórum Christi dicéntis Apóstolis: « Qui vos audit me audit, et qui vos spernit me spernit. Qui autem me spernit, spernit eum qui me misit ».

Vos autem, fratres caríssimi, elécti a Dómino, cogitáte vos ex homínibus esse assúptos et pro homínibus constitútos in iis quæ sunt ad Deum. Episcopátus enim nomen est óperis, non honóris, et Episcopum magis prodésse quam præesse opórtet. Nam qui maior est, secúndum Magístri præceptum, sit ut minor, et qui præcessor est, sicut ministrátor. Prædicáte oportúne, importúne, increpáte in omni paciéntia et doctrína. In oratióne et sacrificii oblatiÓne pro pópulo vobis commísso, de plenitúdine sanctitátis Christi multifórmem grátiam abundánter studeátis impetráre.

In Ecclésia vobis crédita, mysteriórum Christi dispensatóres, moderatóres et custódes estóte fidéles. Elécti a Patre ad eius gubernándam famíliam, mémores estóte semper boni Pastóris, qui oves suas cognóscit et quem oves cognóscunt, et qui ánimam pónere pro óvibus suis non dubitávit.

Univérsos, quos Deus vobis commíttit, patérna atque fratérna diligite caritáte, imprímis presbýteros et diáconos, vestros in ministério Christi consórtes, sed et páuperes et débiles, peregrínos et ádvenas. Hortámini fidéles ut in ópere apostólico vobíscum labórent, eósque libénter audíre ne renuátis. De illis autem, qui nondum uni Christi ovíli sunt aggregáti, curam habeátis indeféssam, tamquam vobis in Dómino commendátis. In Ecclésia cathólica, caritátis vínculo adunáta, numquam obliviscámini vos collégio Episcopórum esse coniúctos, ita ut ómnium Ecclesiárum sollicitúdinem ferre non desinátis et Ecclésiis auxilió egéntibus libénter

subveniátis. Atténdite ígitur unívsero gregi in quo Spíritus Sanctus vos ponit régere Dei Ecclésiam, in nómine Patris, cuius in Ecclésia imáginem repræsentátis, et in nómine Fílii eius Iesu Christi, cuius múnere Doctóris, Sacerdótis et Pastóris fungémini, et in nómine Spíritus Sancti, qui Ecclésiam Christi vivífacat et infirmitátem nostram sua virtúte confírmát.

Promissio electorum

76. Post homíliam electi soli surgunt et stant ante Episcopum ordinantem principalem, qui illos omnes simul interrogat his verbis:

Antíqua sanctórum Patrum institútio præcipit, ut, qui Epíscopus ordinándus est, coram pópulo interrogétur de propósito fídei servándæ et múnere exsequéndi.

Vultis ergo, fratres caríssimi, munus nobis ab Apóstolis créditum et vobis per impositionem mánuum nostrárum tradéndum cum grátia Spíritus Sancti usque ad mortem explére?

Electi omnes simul respondent:

Volo.

Episcopus ordinans principalis:

Vultis Evangélium Christi fidéliter et indesinénter prædicáre?

Electi:

Volo.

Episcopus ordinans principalis:

Vultis dépositum fídei, secúndum traditiónem inde ab Apóstolis in Ecclésia semper et ubíque servátam, purum et íntegrum custodíre?

Electi:

Volo.

DE:

un
ris

litt

pr
lú

pr

dc

Episcopus ordinans principalis:

Vultis corpus Christi, Ecclesiam eius, ædificare et in eius unitate cum Ordine Episcoporum, sub auctoritate successoris beati Petri Apostoli, permanere?

Electi:

Volo.

Episcopus ordinans principalis:

Vultis beati Petri Apostoli successori obedienciam fideliter exhibere?

Electi:

Volo.

Episcopus ordinans principalis:

Vultis plebem Dei sanctam, cum ministris vestris presbyteris et diaconis, ut pii patres, fovere et in viam salutis dirigere?

Electi:

Volo.

Episcopus ordinans principalis:

Vultis pauperibus et peregrinis omnibusque indigentibus propter nomen Domini affabiles et misericordes vos praeberere?

Electi:

Volo.

Episcopus ordinans principalis:

Vultis oves errantes ut boni pastores requirere et ovili dominico aggregare?

Electi:

Volo.

Episcopus ordinans principalis:

Vultis Deum omnipotentem pro pópulo sancto indesinenter oráre et sine reprehensióne summi sacerdotii munus explére?

Electi:

Volo, Deo auxiliánte.

Episcopus ordinans principalis:

Qui cœpit in vobis opus bonum, Deus, ipse perfíciat.

Supplicatio litanica

77. Deinde Episcopi mitram deponunt et omnes surgunt. Episcopus ordinans principalis stans, manibus iunctis, versus ad populum dicit invitatorium (pro cantu, cf. n. 41, mutato tamen numero plurali):

Orémus, dilectíssimi nobis,
ut his eléctis,
utilitáti Ecclésiæ próvidens,
benígnitas omnipotentis Dei
grátiae suæ tríbuat largitátem.

78. Tunc electi procumbunt et canuntur litaniae, omnibus respondentibus; quod diebus dominicis necnon tempore paschali fit omnibus stantibus, ceteris autem diebus flexis genibus. Quo in casu diaconus admonet:

Flectámus génuá.

In litaniiis addi possunt suis locis aliqua nomina Sanctorum, ex. gr. Patroni, Titularis ecclesiae, Fundatoris, Patroni eorum qui Ordinationem recipiunt, aut aliquaevocationes magis aptae singulis circumstantiis.

Sanctorum cognomina, inter parentheses posita, opportune omituntur, quando litaniae latina lingua canuntur.

Tunc cantores incipiunt litanias, cf. supra n. 42; invocationes tamen super electos dicuntur numero plurali.

nén-
mus

79. Litaniarum cantu expleto, Episcopus ordinans principalis stans, manibus extensis, dicit (pro cantu, cf. n. 43, mutato tamen numero plurali):

**Propitiáre, Dómine, supplicatióibus nostris,
et inclináto super hos fámulos tuos
cornu grátiae sacerdotális,
benedictiόνis tuæ in eos effúnde virtútem.
Per Christum Dóminum nostrum.**

Omnes:

Amen.

Diaconus, si casus fert, admonet:

Leváte.

Et omnes surgunt.

Impositio manuum et Prex Ordinationis

80. Electi surgunt, accedunt ad Episcopum ordinantem principalem stantem ante sedem cum mitra et coram eo genua flectunt.

81. Episcopus ordinans principalis imponit manus super caput uniuscuiusque electi, nihil dicens. Deinde omnes Episcopi, accedentes successive, electis manus imponunt, nihil dicentes.

Post autem impositionem manuum Episcopi circa Episcopum ordinantem principalem manent, usquedum Prex Ordinationis finiatur, ita tamen ut actio a fidelibus bene conspici queat.

82. Deinde Episcopus ordinans principalis accipit librum Evangeliorum ab uno diacono et imponit apertum super caput singulorum electorum; duo diaconi, a dexteris et sinistris uniuscuiusque electi stantes, tenent librum Evangeliorum super caput ipsius usquedum Prex Ordinationis finiatur.

83. Electis ante ipsum genuflexis, Episcopus ordinans principalis, dimissa mitra, habens apud se alios Episcopos ordinantes, pariter sine mitra, profert (pro cantu, cf. n. 47, mutato tamen numero plurali), extensis manibus, Precem Ordinationis:

**Deus et Pater Dómini nostri Iesu Christi,
Pater misericordiárum et Deus totíus consolatiόνis,
qui in excélsis hábitas et humília réspicis,**

isco-
lum
plu-pon-
ibus
onus. gr.
atio-
um-

mit-

ones

qui cognóscis ómnia ántequam nascántur,
tu qui dedísti in Ecclésia tua normas
per verbum grátiae tuæ,
qui prædestinásti ex princípío
genus iustórum ab Abraham,
qui constituísti príncipes et sacerdótes,
et sanctuárium tuum sine ministério non dereliquísti,
cui ab inítio mundi plácuít
in his quos eligísti glorificári:

Sequens pars orationis ab omnibus Episcopis ordinantibus, manibus iunctis, profertur, submissa voce tamen, ut vox Episcopi ordinantis principalis clare audiatur:

Et nunc effúnde super hos eléctos
eam virtútem, quæ a te est,
Spíritum principálem,
quem dedísti dilécto Fílio tuo Iesu Christo,
quem ipse donávit sanctis Apóstolis,
qui constituérunt Ecclésiam per síngula loca
ut sanctuárium tuum,
in glóriam et laudem indeficiéntem nóminis tui.

Prosequitur solus Episcopus ordinans principalis:

Da, córdium cógnitor Pater,
his servis tuis,
quos elegísti ad Episcopátum,
ut pascant gregem sanctum tuum,
et summum sacerdótium tibi exhíbeant
sine reprehensióne,
serviéntes tibi nocte et die,

ut incessanter vultum tuum propitium reddant
et offerant dona sanctæ Ecclesiæ tuæ;
da ut virtute Spiritus summi sacerdotii
habeant potestatem dimittendi peccata
secundum mandatum tuum;
ut distribuant munera
secundum præceptum tuum
et solvant omne vinculum
secundum potestatem quam dedisti Apóstolis;
placeant tibi in mansuetudine et mundo corde,
offerentes tibi odorem suavitatis,
per Filium tuum Iesum Christum,
per quem tibi gloria et potentia et honor,
cum Spiritu Sancto in sancta Ecclesia
et nunc et in sæcula sæculorum.

Omnes:

Amen.

84. Finita Prece Ordinationis, diaconi resumunt librum Evangeliorum, quem tenebant supra caput uniuscuiusque Ordinati, et unus diaconorum librum tenet usquedum tradatur Ordinato. Omnes sedent. Episcopus ordinans principalis alique Episcopi ordinantes sumunt mitram.

Unctio capitis et traditio libri Evangeliorum atque insignium

85. Episcopus ordinans principalis assumit gremiale linteum, accipit vas cum sacro chrismate ab uno diacono et inungit caput uniuscuiusque Ordinati ante se genuflexi, dicens:

Deus, qui summi Christi sacerdotii participem te effecit,
ipse te mysticæ delibutionis liquore perfundat,
et spirituális benedictionis ubertate fecundet.

Deinde Episcopus ordinans principalis lavat manus.

86. Episcopus ordinans principalis accipiens a diacono librum Evangeliorum, eum tradit unicuique Ordinato, dicens:

Accipe Evangélium
et verbum Dei prædica
in omni paciéntia et doctrína.

Postea diaconus resumit librum Evangeliorum eumque reponit in loco suo.

87. Episcopus ordinans principalis anulum in digitum anularem dexteræ manus uniuscuiusque Ordinati immittit, dicens:

Accipe ánulum, fidei signáculum:
et sponsam Dei, sanctam Ecclésiám,
intemeráta fide ornátus,
illibáte custódi.

88. Si quis Ordinatus pallio fruitur, Episcopus ordinans principalis illud a diacono accipit et super umeros Ordinati imponit, dicens:

Accipe pállium de confessióne beáti Petri sumptum,
quod nómine Románi Pontíficis, Papæ N.,
tibi trádimus
in signum potestátis metropolitánæ,
ut eo utáris intra fines provinciæ ecclesiásticæ tuæ;
sit tibi sýmbolum unitátis,
cum Sede Apostólica communiónis téssera,
vínculum caritátis
et fortitúdinis incitaméntum.

89. Deinde Episcopus ordinans principalis imponit unicuique Ordinato mitram, dicens:

Accipe mitram,
et claréscat in te splendor sanctitátis,
ut, cum apparúerit princeps pastórum,
immarcescibilem glóriæ corónam
percípere mereáris.

90. Ac tandem tradit unicuique Ordinato baculum pastorem, dicens:

Accipe báculum,
pastorális múnemis signum,
et atténde univérso gregi,
in quo te Spíritus Sanctus pósuit Epíscopum
régere Ecclésiam Dei.

91. Surgunt omnes. Si Ordinatio facta est ad cathedram, in Ecclesia propria alicuius Ordinati, Episcopus ordinans principalis eum invitat, ut sedeat in cathedra, ipse vero sedet ad dexteram eius. Alii Episcopi autem, extra Ecclesiam propriam ordinati, invitantur ab Episcopo ordinante principali, ut sedeant primi inter Episcopos celebrantes.

Si autem Ordinatio non facta est ad cathedram, Episcopus Ordinans principalis deducit Ordinatam in propria ecclesia ad cathedram et alios ad loca eis parata, Episcopis ordinantibus eos sequentibus.

92. Demum Ordinati, deposito baculo, surgunt et accipiunt ab Episcopo ordinante principali et ab omnibus Episcopis osculum.

93. Interea usque ad finem huius ritus cani potest antiphona:
Eúntes in mundum (allelúia),
docéte omnes gentes (allelúia).

cum Psalmo 95 (96) Cantáte Dómino cánticum novum, cf. n. 57, vel alius aptus cantus eiusdem generis qui conveniat antiphonæ, præsertim quando Psalmus 95 (96) tamquam psalmus responsorius in liturgia verbi adhibitus fuerit.

94. Missa prosequitur more solito. Symbolum dicitur secundum rubricas; oratio universalis omittitur.

Liturgia eucharistica

95. In Prece eucharistica mentio Episcoporum modo ordinatorum fit secundum has formulas:

a) In Prece eucharistica I, dicitur Hanc igitur proprium:

Hanc igitur oblationem servitutis nostræ,
sed et cunctæ familiæ tuæ,
quam tibi offerimus etiam pro his famulis tuis N.N.
(pro me indigno famulo tuo et pro his famulis tuis N.N.),
quos ad episcopatus Ordinem promovere dignatus es,
quæsumus, Dómine, ut placatus accipias,
et propitius in eis (nobis) tua dona custodias,
ut, quod divíno múnere consecuti sunt,
divinis effectibus exsequantur.
(Per Christum Dóminum nostrum. Amen.)

b) In intercessionibus Precis eucharisticæ II, post verba ... congregemur in unum dicitur:

Recordare, Dómine, Ecclesiæ tuæ toto orbe diffusæ,
ut eam in caritate perficias
una cum Papa nostro N. (et Episcopo nostro N.),
(et famulis tuis N.N.)
quos hodie pastores Ecclesiæ providere voluisti,
et universo clero.
Meménto etiam fratrum nostrorum ...

c) In intercessionibus Precis eucharisticæ III, post verba ... ad totius mundi pacem atque salutem dicitur:

Ecclesiam tuam, peregrinantem in terra,
in fide et caritate firmare digneris
cum famulo tuo Papa nostro N. (et Episcopo nostro N.),
(et famulis tuis N.N.)
qui hodie pastores Ecclesiæ ordinati sunt,

cum episcopáli Ordine et univérso clero,
et omni pópulo acquisitionis tuæ:
Votis huius famíliæ ...

d) In intercessionibus Precis eucharisticæ IV, post verba ... ad laudem glóriæ tuæ dicitur:

Nunc ergo, Dómine, ómnium recordáre,
pro quibus tibi hanc oblationem offérimus:
in primis fámuli tui, Papæ nostri N.,
(Epíscopi nostri N.), (et istórum famulórum tuórum N.N.)
quos hódie ad servítium pópuli tui elígere dignátus es,
et Episcopórum Ordinis univérsi,
sed et totíus cleri;
recordáre quoque offeréntium,
et circumstántium,
et cuncti pópuli tui,
et ómnium, qui te quærunt corde sincéro.
Meménto étiam illórum ...

96. Parentes et propinqui Ordinatorum Communionem sub utraque specie recipere possunt.

Ritus conclusionis

97. Expleta oratione post Communionem, canitur hymnus **Te Deum** laudámus vel alius hymnus huic respondens, iuxta locorum consuetudines. Interim Ordinati accipiunt mitram et baculum ac ducuntur ab Episcopis ordinantibus per ecclesiam, et omnibus benedicunt.

98. Finito hymno, Ordinati stant ad altare cum mitra et baculo. Ante benedictionem autem unus ex illis, præsertim si quis est in Ecclesia propria, ad cathedram, potest populum breviter alloqui.

99. Postea Episcopus, qui liturgiæ eucharisticæ præfuit, benedictionem impertitur. Loco benedictionis consuetæ, dici potest benedictio sollemnior quæ sequitur. Diaconus dicere potest invitatorium:

Inclináte vos ad benedictiónem.

vel aliis verbis expressum.

Deinde, si celebrans principalis est unus ex Ordinatis, benedictionem impertitur, prius supplicationem triplicem profert, manibus extensis:

Deus, qui pópulis tuis indulgendo cónsulis
et amóre domináris,
da Spíritum sapiéntiæ
quibus tradidisti régimen disciplínæ,
ut de proféctu sanctárum óvium
fiant gáudia ætérna pastórum.

Omnes:
Amen.

Ordinatus:
Et qui diérum nostrórum númerum
temporúmque mensúras
maiestátis tuæ potestáte dispénsas,
propítius ad humilitátis nostræ réspice servitútem
et pacis tuæ abundántiam
tempóribus nostris præténde perféctam.

Omnes:
Amen.

Ordinatus:
Collátis quoque in nobis per grátiam tuam
propitiáre munéribus
et quos fecísti gradu episcopáli sublímes,
fac óperum perfectióne tibi placéntes
atque in eum afféctum
dírige cor plebis et præsulis,
ut nec pastóri obcédéntia gregis
nec gregi desit umquam cura pastóris.

Omnes:
Amen.

Dein Ordinatus benedictionem profert:
Et vos omnes, qui hic simul adéstis,
benedícat omnípotens Deus,
Pater, ✠ et Filius, ✠ et Spíritus ✠ Sanctus.

Omnes:
Amen.

Si vero Episcopus ordinans principalis benedictionem impertitur,
dicit, manibus super Ordinatos et populum extensis:
Benedícat vobis Dóminus et custódiat vos;
sicut vóluit super pópulum suum vos constituére pontífices,
ita in præsénti sáculo felices
et ætérnæ felicitátis fáciat vos esse consórtes.

Omnes:
Amen.

Episcopus ordinans principalis:
Clerum ac pópulum,
quem sua vóluit opitulatióne congregári,
sua dispensatióne et vestra administratióne
per diutúrna témpora
fáciat felíciter gubernári.

Omnes:
Amen.

Episcopus ordinans principalis:
Quátenus divínis mónitis paréntes,
adversitatibus caréntes,
bonis ómnibus exuberántes,
vestro ministério fide obsequéntes,
et in præsénti sáculo
pacis tranquillitáte fruántur
et vobiscum æternórum civium consórtio
potíri mereántur.

Omnes:
Amen.

Episcopus ordinans principalis:

Et vos omnes, qui hic simul adéstis,
benedícat omnípotens Deus,
Pater, ✠ et Fílius, ✠ et Spíritus ✠ Sanctus.

Omnes:

Amen.

100. Data benedictione et populo a diacono dimisso, fit processio
ad secretarium more consueto.

100
qu
CH
ag

On
vc
qu

100
su
ve
lit
all
De
tis
in
Pæ
(c
cre
cro

niss

PONTIFICALE ROMANUM

EX DECRETO SACROSANCTI ŒCUMENICI
CONCILII VATICANI II RENOVATUM
AUCTORITATE PAULI PP. VI EDITUM
IOANNIS PAULI PP. II CURA RECOGNITUM

DE ORDINATIONE EPISCOPI, PRESBYTERORUM ET DIACONORUM

EDITIO TYPICA ALTERA



TYPIS POLYGLOTTIS VATICANIS